

Doneztebe

Baztan-Bidasoako Euskaltzaleen Topaketak hasiko dira asteartean

BAZTAN, MALERREKA ETA BORTZIRIETAKO euskara zerbitzuek Baztan-Bidasoako Euskaltzaleen Topaketak antolatu dituzte.

Topaketak datorren asteartean hasi eta azaroaren 4ra bitartean izango dira. Tarte horretan bederatzi saio egingen dituzte, astearte eta ortzegunero, arratsaldeko 19:30etatik gaueko 21:30ak arte. Saio guztiak Doneztebeko Juantsenea etxean izanen dira. Xabier Erizek emanen die hasiera topaketei, *Euskararen historia Nafarroan* izenburuko hitzaldiarekin.

Xamar idazlea izanen da bigarren partehartzailea, hilaren 9an, eta Txepetxen teoriaren inguruan mintzatuko da. 14an, berriz, Patri Arburua izanen da hizlari, eta Bortzirietako gazteek euskararekiko duten jarreraz aztertuko du. 16an, eskualdeko komunikabideak izanen dira protagonista, zehazki, Xorroxin Irratia eta *Ttapi-ttapa* aldizkaria. Hitzaldi eta mahainguru ugari izanen da azaroaren 4a bitartean.

Larraun

'Mailope'-k 50. alea kaleratu du

BERE HISTORIAREN ERREPASO BATEKIN BATERA zenbait berrikuntza dakartza *Mailope* herri aldizkariak. Duela zazpi urteko San Migel egunez kaleratu zen, lehenengoz Araitz-Betelu, Larraun eta Lekunberriko herri aldizkaria. Orduan Araitz-Beteluko bakarrik zen, eta lau orrialde baino ez zituen. Urteen joanarekin, ordea, *Mailope* handitu egin da.

Araitz-Beteluko Euskera Batzordeak sortu zuen aldizkari hau, bertako albisteak jasotzeaz gain, bizilagunen artean euskeraz irakurtzeko zaletasuna sortu

• Bera •



ASIER GOGORZA

Erreka garbitzen

Joan den irailaren 10az geroztik eta azarora bitartean, Zia erreka**ko bazterrak garbitzen ari dira** hamar langile, Espainiako Enplegu Institutu Nazionalak (INEM) Nafarroako Gobernu**ko** Ingurugiro Sailarekin sinatutako lankidetz**ari** hitzarmenari esker. Langileak Iparraldeko Hidrografi Konfederazioa izeneko enpresak kontratatu ditu, eta azarora bitartean herri**tik** igarotzen den erreka zatia garbitzeko konprometua hartu du. Halaber, lana epea amaitu baino lehen bukatuz gero, Bidasoa ibaia garbitzen hasiko dira egunotan Zia errekan lanean ari diren hamar langileak.

eta indartzeko asmoz. Zazpigarren urtebetetzea ospatzeko, ekitaldi ugari antolatu ditu hilabete honetarako: 11n bertso afaria izango da Beteluko Zigari elkarteak, Oskar Estanga, Mikel Altxuart eta Estitxu Arozenarekin; urriaren 13tik 19ra erakusketa bat Mitxausenean, portada eta argazki bitxiarekin, eta urriaren 25ean, Lekunberriko pilotalekuan, gaupasa bikain bat: Berri Txarrakaren diskoaren aurkezpena eta Alaitz eta Maiderren doinu alaiak.

Baraibar

Jaiak dira asteburu honetan

ASTEBURU HONETAN OSPATUKO DIRA BARAIBARRIN Sanmigelak. Txupinazoa gaur botako dute, 20:30etan, eta ondoren txikiteoa eta

herri afaria izanen dira. Gero, Elurte taldea ariko da.

Baraibarren bada pilotazaleak nabarmena (Ladis Galarza bertakoa da). Eta zaletasun hori asetzeko, jubenilen eta lehen mailako afizionatuen pilota partiduak izango dira bihar, 17:30etan. Lehen-goan, Azpiroz-Bernal eta Sueskun-Tirapu ariko dira, nor baino nor, eta bigarrenetan Berasaluze VI.a-Bazeta Galarza V.a-Okinenaren aurka. Dena den, seguruenik, larunbata gaueko dantzaldiak izango du arrakastarik handiena. Trabuko ez da ez nolana hiko taldea horretarako.

Azken eguna igandea izango da. Meza ondoren, Altxako dantzariak erakustaldi bat eskainiko dute. Arratsaldean, berriz, aizkolariak izango dira protagonista: Arrospide eta Mugerza alde batetik eta Larretxea eta Barberena bestetik. Aizkora apustua arratsaldeko 18:00etan hasiko da. Ondoren mus txapelketaren finalarekin amaituko dituzte aurtengo jaiak Baraibarren. — Urko Aristi



herri aldizkariak

Edurne Elizondo

Anbulantziak eta enplegua

Irailaren 25etik kalean da *Ttapi-ttapa*-ren azken zenbakia (214.a), eta larrialdietarako anbulantziei buruzko artikuluar eskaini diotarterik zabalena. Hamabostekariaren azalean nabarmentzen denez, larrialdietarako anbulantziarik ez dago Bortzirietan. «Bortzirietan istripu edo larrialdien bat gertatuz gero, Irundik edo Doneztebetik datorren anbulantziari esperatu behar zaio. Egoera hau aski larria da, 8.500 biztanleei Lesaka eta Berako fabriketan ari den jendea gehitu eta Berako fabriketan ari den trafiko haundia kon-

tuan hartzen badugu. Eskualdeko alkateak bildu dira dagoeneko Santiago Cervera Nafarroako Gobernu**ko** Osasun kontseilariarekin, Bortzirietarako anbulantzia eskatzeko. Momentuz, ez dute erantzunik jaso».

Orain arte DYAk Lesakan zuen anbulantzia Iruñera eraman dute, boluntario nahikorik ez zegoelako. Hamabost urtez DYAk Lesakako arduraduna izan da Jose Maria Irazoki, eta, haren ustez, «larrialdietarako zerbitzuaren egoera penagarria da eta, gainera, maldan beheiti doa».

Guaixe Sakanako hilabetekariak ere kalean du azken zenbakia, 34.a, alegia. *Sakana* ezagutzen ari zela, lanaren gaiari eskaini dio tarte. «Pertsonal kualifikaturik eza da gaur egun Sakanako Enpresarien Elkartea gehien arduratzen duen gaia. 1997. urterako 350 lanpostu berri aurreikusita zeuden. Dagoeneko, lanpostu horiek bete dira. Horrek gizonezkoen langabezi tasa jaistea sortarazi du. Lizentziatuak emakumezkoekin batera, lanpostua lortzeko zailtasun gehien dutenak dira, ordea»

Donesaturdiko



oilarra lumatzen

Juan Kruz Lakasta

Fermin

Fermin Iruñeko Kale Berrian jaio zen, 1933ko azaroko goiz hotz batean. Egun alarguna da, Donibane auzoan bizi da, seme nagusiarekin, eta, jubilatutako bada ere, ez da sekula Elurretako Ama Birjina kaleko jubilatuentzako lokalera joaten. Semeak eta errainak han ongi pasatuko lukeela uste dute, eta behin eta berriz horretara joatera animatu nahi izaten dute. Uste dute arazoa dela Ferminen ez duela onartzen zaharra dela.

Haatik, Ferminen aski ongi daki zaharra dela. Aski ongi onartuta dauka hori, besteak beste, artritisak zigortutako bere hezur zaharrek mugitzen den aldioro min isil ezatsegin batez gogorarazten diotelako. Argalargala izanik, argi dauka mugitzaerakoan urteen pisuaren zama nabaritzen duela, eta ez ki-loena. Gainera, ez du uste gartetetasuna bihotzean dagoenik, besteak beste, horrela balitz bera den baino zaharragoa izanen litzateke, dagoeneko bi infarto pairatu ditu eta. Ferminen onartzen du zaharra dela. Haatik, ez du onartzen tontoa dela, eta, haren idurikoz, jubilatuentzako lokal etako langile azkarrak zaharrak tontotzat hartzen dituzte. Hori da arazoaren gaikoa.

Ferminen nahiago du edozein karrikarako obrara joan, obretan gauzak bestelakoak izaten direlako. Hor jubilatutak dira azkarrak, eta langileak tontoak. Eskarmentu handiak, obretan urte andana igaro izanak ematen duen zilegitasunaz, jubilatuek langileen lana kritikatu egiten dute, langile koitaduak haserretzen diren arte. Ferminen izugarri gustuko du langilea eta bera lotzen duen sokatik gero eta gehiago tira egitea, kritika gero eta zirikatzailagoak eginez, soka hausten den arte, langileak eztanda egiten duen arte, koitaduak errieta egiten dion arte. Orduan zoriontsu sentitzen da, eta beste obra batera aldegiten du. Semeak eta errainak ez dute ulertzen zaletasun hori. Haien idurikoz, ez da normala obra batean sekula lan egin ez duen 66 urteko maisu jubilatutako berria obra obra langileak kritikatzeko ibiltzea. Gazteak gazteak dira, eta zaharrak zaharrak, eta gazteek batzuetan ez dute hori ulertzen. ●